

Sp.

33. Fyrirspurnir.

[32. mál]

I. Til ríkisstjórnarinnar um störf húsnæðismálastjórnar.

Frá Gylfa Þ. Gíslasyni.

1. Hversu mikið fé hefur húsnæðismálastjórn fengið til umráða samkv. lögum nr. 55 1955?
2. Hversu margar umsóknir um lánsfé hafa húsnæðismálastjórn borizt, og hversu há er upphæð þeirra samtals?
3. Hvers vegna hefur húsnæðismálastjórn enn þá engin lán veitt?
4. Hvenær er talið, að húsnæðismálastjórn geti hafið lánveitingar, og hversu mikið fé er gert ráð fyrir, að hún muni þá hafa til umráða?

II. Til ríkisstjórnarinnar um aðstoð við togaraútgerðina.

Frá Gylfa Þ. Gíslasyni.

1. Hversu mörg innflutningsleyfi fyrir bifreiðum hafa verið veitt gegn gjaldi samkv. lögum nr. 114 1954?
2. Hversu miklu hefur gjald þetta numið samtals?
3. Hversu mikið hefur þegar verið greitt úr sjóði þeim, sem gjaldið hefur runnið í?
4. Hversu lengi er talið, að sjóðurinn muni endast til þess að tryggja rekstur togaraútgerðarinnar?
5. Hafa verið gerðar sérstakar ráðstafanir til þess að tryggja rekstur togaraútgerðarinnar eftir þann tíma?

III. Til ríkisstjórnarinnar um bátagjaldeyri.

Frá Gylfa Þ. Gíslasyni.

1. Hversu miklu hefur álag á innflutningsleyfi samkvæmt reglugerðum um innflutningsréttindi bátaútvegsmanna numið:
 - a. frá upphafi,
 - b. það, sem af er þessu ári?
2. Hversu mikið af þessu fé hefur þegar verið greitt:
 - a. útvegsmönnum,
 - b. sjómönnum?
3. Hversu miklu hefur numið samtals gjald það, sem tekið hefur verið til greiðslu kostnaðar við framkvæmd þessara ákvæða?
4. Hversu miklu hefur árlegur skrifstofukostnaður við framkvæmd ákvæðanna numið síðan þau tóku gildi.

IV. Til ríkisstjórnarinnar um greiðslu verðuppbóta úr ríkissjóði.

Frá Gylfa Þ. Gíslasyni.

1. Hversu miklar verðuppbætur hafa verið greiddar úr ríkissjóði á vörur til sölu innanlands það, sem af er þessu ári, og hve miklu er gert ráð fyrir, að þær nemi samtals á árinu?
2. Hversu miklar verðuppbætur hafa verið greiddar úr ríkissjóði á útfluttar vörur það, sem af er þessu ári, og hversu miklu er gert ráð fyrir, að þær nemi samtals á árinu?